



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Archiepisc. Et Capitulo Pisano.

urn:nbn:de:hbz:466:1-20006

ntem, quo recepturæ sententiam nostro se conspectui præsentarent. Interim autem in procuratore idoneo Lingonenſi Eccleſiæ præcepimus provideri. Cùm autem prædictus Decanus & ſocij ejus cum prædictæ commiſſionis literis reſceſſiſſent, dilectus filius E. Archidiaconus Lingonenſis adveſit: ad cujus inſtantiam te fili magiſter P. duximus eidem negotio adjungendum; cùm in primis literis eſſet expreſſum, ut tu, frater Epicoſope, viros tibi prudentes aſcires. Volentes igitur ut tenorem prædictæ commiſſionis inviolabiliter obſervetis, licet ex abundanti, ad multam tamen inſtantiam Archidiaconi memorati, diſcretioni veſtræ præſentium auctoritate mandamus quatenus ſi dictum Epicoſopum per judicium inveneritis innocentem, ipſum non ſolum ab interdicti ſententia, verùm etiam ab impetitione Decani & Capituli ſuper objectis appellatione poſtpoſita penitus abſolvatis. Perſonales autem quaſtiones, ſi quas idem Epicoſopus & tam prædictus quam major Archidiaconus adveſus Decanum vel aliquos Canonicorum habuerint, audiat, & ſublato appellationis obſtaculo curetis ſine debito terminare; talem in procuratorem ipſius Eccleſiæ interim deputantes, qui neutri parti eſſe debeat de ratione ſuſpectus. Datum Laterani IV. Idus Februarij.

COLIMBRIENSI ET ALIIS
Epicoſopis in regno Portugallie conſtitutis.

Cvm in partibus veſtris, peccatis exigentibus, ſæpius contingat diverſa loca interdicto ſupponi, quando generale vel particulare dici debeat interdictum, apud vos accepimus in dubium revocari; cùm illi qui ab Eccleſia Romana decorari privilegio meruerunt, videlicet, ut cùm generale interdictum terræ fuerit, liceat eis clauſis januis, non pulſatis campanis, excluſis excommunicatis & interdictis, ſuppreſſa voce divina officia celebrare, interdicto particulari ſe aſſerant non arctari, aſſerentes illud interdictum generale duntaxat, quando regnum vel ſaltem provincia tota ſubjicitur interdicto, propter quod & juſtitia ſæpius deperit, & Prælatorum ſententiæ contemnuntur, cùm in aliis interdictis provinciis divina celebrent, & ſuſpenſis organis aliorum, ipſi pulſatis cam-

panis, & apertis januis, quoſlibet paſſim recipiant ad divina. Ne autem diverſa interpretatio diſcordiæ cauſam inter vos ulterius & odij fomitem valeat miniſtrare, vel quod interdictum dici debeat generale, amodo in dubium revocetur, ſignificatione vobis præſentium intimamus, quòd cùm in privilegiis de regno vel provincia nihil expreſſe dicatur, nomine terræ non ſolum regnum vel provinciam intelligi volumus, verùm etiam villam & caſtrum; ut & in his locum habeat quod de generali dicitur interdicto; videlicet, ut cùm villa vel caſtrum generali ſubjicitur interdicto, præſcripta privilegij forma debeat obſervari. Datum Laterani VII. Idus Februarij.

ARCHIEPISC. ET CAPITULO
Piſano.

Cvm apoſtolica ſedes Eccleſiam & civitatem Piſanam multum dilexerit hætenus, & in multis ſtuduerit honorare, ſicut operis exhibitio, quæ probatio eſt dilectionis, evidentè oſtendit; nos, qui, licet indigni, ad apoſtolatus officium ſumus Domino faciente promoti, prædeceſſorum noſtrorum & præcipuè ſanctæ memoriæ Innocentij Papæ volentes veſtigij in hære, ſi quædo nobis occurrunt per quæ honori Eccleſiæ veſtræ ac civitatis debeat derogari, ab eis vos & cives veſtros curamus propenſius revocare; quemadmodum vice verſa vos & ipſos ad exequenda illa libentiùs intendimus adhortari, unde poſſit communis utilitas provenire. Sanè cùm bonæ memoriæ Celeftini Papæ prædeceſſoris noſtri temporibus Legati apoſtolicæ ſedis civitatem Piſanam ſuppoſuerint interdicto, pro eo quòd cives Piſani à generalibus inſtitutis patriæ deviant, quia tamen forma tractatus illius nobis primitus oblata non placuit ſub eo tenore, ad petitionem & inſtantiam Piſanorum interdictum duximus relaxandum; ut ſi, correctione adhibita, forma concordiæ nobis placeret in poſterum, eam nobiſcum pariter recipere tenerentur. alioquin civitas ipſa reduceretur in ſententiam interdicti. Exinde verò dilecti filij Prior & alij civitatum rectoris ad noſtram præſentiam accedentes, tractatum concordiæ nobis & fratribus noſtris pariter obtulerunt: in quo, poſt correctionem adhibitam, nihil invenimus quod in eccleſiaſtici juris vel cu-

Epift. 555.
Ve cives ſuos hortetur illam pacem atque concordiam ſervare, quam reliqui ordines Thuſciæ ſervabant.

Vide ſuprà epift. 56.

jusquam minoris vel majoris personæ præjudicium redundaret. Nec ista dicimus ideo quin concordia illa possint male utentes abuti, cum vix contingat in rebus humanis aliquid tam salutiferum inveniri, unde per culpam abutentium aliqua sinistra non valeant provenire: quoniam & Apostolus aliis fuit odor vitæ in vitam, aliis odor mortis in mortem; & ipse Christus lapis offensionis nonnullis exitit, & petra scandali, positus in ruinam & in destructionem multorum. Et licet omnis potestas à Domino Deo sit, teste scriptura; ea tamen præminentes nonnunquam peccatis exigentibus abutuntur. Nos autem prædictos rectores sollicitis exhortationibus curavimus admonere quatenus in vitam concordiam & firmatam ita providè administrarent, quòd per eam & ipsi à gravaminibus liberentur, & aliis gravamina non infligant. Ne igitur in verbis nostris inveniremur mendaces, & in operibus inconstantes, dilectis filiis Potestati & populo Pisano per apostolica scripta meminimus injunxisse ut tractatum concordie receptum à nobis & ipsi reciperent, ne communem totius patriæ viderentur impedire profectum. Alioquin per dilectum filium nostrum P. Basilicæ duodecim Apostolorum Presbyterum Cardinalem, apostolicæ sedis Legatum, civitatem Pisanam in interdicti sententiam mandavimus monitione præmissa reduci. Quod cum idem Cardinalis effectui mancipasset, quia Pisanos ipsos audivimus fuisse conquestos quòd correcti capitularis eis copiam non exhibuit, & quòd eos præter formam mandati, non solum interdicto, sed etiam maledicto subjecit, eidem per iterata scripta præcepimus ut competentes eis daret inducias, infra quas copia correctæ capitularis exhibita deliberaretur, ut mandatum apostolicum adimplerent. Vos tamen positum interdictum pro reverentia sedis apostolicæ humiliter servavistis, & servatis. Consequenter verò rectores omnium civitatum Thuscie ad sedem apostolicam venientes, de civibus vestris gravissimè sunt conquesti, quòd ipsi soli, omnibus aliis ad unitatem & concordiam jam inductis, tanquam hostes patriæ imminere omnium excidio viderentur; quòd cum civitas ipsa maxima sit inter Thuscie civitates, ex parte illa posset toti patriæ

* damnum vel periculum

* provenire; & nisi mutato consilio re-

ciperent quòd tota Thuscia jam recepit, id non possent ulterius æquanimitè sustinere, quin potiùs ad gravamen civitatis illius totis viribus laborarent, quam satius esset perire duntaxat quàm patriam totam trahere in ruinam. Nos igitur affectione paterna volentes Pisanos ipsos, tanquam carissimos in Christo filios, ad quorum profectum Deo teste libenter intendimus, ad viam rectitudinis revocare, cum turpis sit omnis pars suo non congruens universo, universitatem vestram monemus attentius, hortantes in Domino, & per apostolica scripta præcipiendo mandantes, quatenus ipsos monere pariter & inducere satagatis ut pacem & concordiam, inventam, non ad injuriam cujuscumque, vel jacturam, sed ad totius patriæ libertatem tuendam, & excutiendum jugum gravissimæ servitutis, quam ferè universi & singuli de Thuscia receperunt, humiliter recipiant, & observent; (in cujus tractatu, quem cautè eis præcipimus exhiberi, ne jurare ipsos oporteat quòd ignorant, nihil, ut credimus, invenimus quòd oporteat sollicitius præcavere) ne dum in suo sensu nimis abundant, & reprobant quòd alij approbarunt, & nos ipsi cognovimus approbandum, de nostro videantur judicio non sine culpa sacrilegij dubitare. Si autem (quòd non credimus) monitis & præceptis nostris duxerint, sicut hæcenus, contumaciter resistendum, nos, si quid eis & vobis pariter sinistrè contigerit, erimus de cetero apud Deum & homines excusati, qui quòd ad nostrum officium pertinebat, opportunè & importunè non cessavimus exercere, animam nostram liberare volentes, & vobis ipsis à malis imminetibus præcavere. Quia verò multa sæpe beneficia præstantur invitis, cum eorum non voluntati sed utilitati consulitur, ut juxta verbum dominicum compellantur intrare, manus nostras, non ex odio, sed ex amore, curabimus in eos duriùs aggravare. Ut autem eorum honori pariter & profectui consulatur, valde quidem expedire cognovimus ut ad id exequendum magis nostra quàm aliena districtione cogantur.

Scriptum est in eundem ferè modum Potestati & populo Pisano.